



Inatsisartunut ilaasortaq
Doris Jakobsen, Siumut
/maani

**Pineqartoq: E-learningimik Danmarkimi ilinniarusuttut periarfissaqalernissaat
anguniarlugu Naalakkersuisut ilinniagaqarnersiuteqarsinnaanermut
ammaassinissamut pilersaaruteqarniarnersut pillugu § 37 tunngavigalugu apeqquut**

Asasara Doris Jakobsen

Naalakkersuisut immikkut soqutigisaqarfigisaat pillugu apeqquutinnut Naalakkersuisut
aallaqqaasiullugu qutsavigaatsit.

Soorlu apeqquutinni ersittoq Danmarkimi ilinniarnernut ataasiakkaanut danskit
naalagaaffiat danskit SU-atigut ilinniarnersiuteqartitsisarpoq. Tassunga tunngatillugu
oqaatigineqassaaq ilinniarnernut taamaattunut danskit SU-annik pissarsisinnaanerup
qinnuteqaateqartup danskiunera kalaaliuneraluunniit tunngavigalugu
assigiinngisitsisoqarneranik isumaqarneq paasinerluinermik tunngaveqarsimassasoq,
tassa taakku qinnuteqaateqartut tamarmik danskit naalagaaffianni innuttaammata
taamaalillunilu malittarisassat ataaniillutik. Kalaallit qinnuteqartut taamaalillutik danskisut
qinnuteqartutut danskit e-learningitut ingerlanneqartuni ilinniarnerni
ilinniagaqarnersiuteqarsinnaapput, tassani piumasaqaataalluni ilinniarnernit pineqartut
danskit oqartussaasuinit tapiiffigineqarsinnaasutut akuerineqarsimanissaat.

Kalaallit Nunaanni ilinniagaqarnersiutit pillugit malittarisassat eqqarsaatigalugit
ilisimatitsissutigineqassaaq Danmarkimi ingerlaqqilluni ilinniarnernut stipendiatut
ilinniagaqarnersiuteqartitsisoqarneq ajortoq. Akerlianik immikkut ikiorsiissutitut
taaneqartartut atorlugit ilinniagaqarsiteqartitsinissamut periarfissaqarpoq,
assersuutigalugu akiliunneqarluni angalanernut, ilinniarneg Danmarkimi
tapiiffigineqarsinnaasutut Naalakkersuisut akuerisimapassuk, takuuk
ilinniagaqarnersiutit pillugit Inatsisartut inatsisaat atuuttoq (Inatsisartut inatsisaat nr. 12,
22. november 2011-meersoq). Tamanna Danmarkimi ingerlaqqilluni ilinniarnernut
ungasianiit ilinniartitsinertut neqeroorutigineqartunut aamma atuuppoq.

Ilinniarnernut taamaattunut akuersinissamut piumasaqaataavoq ilinniarnernit
sivikinnerpaamik qaammatinik pingasunik sivisussuseqarnissaat, piffissaq tamakkerlugu
ilinniarneg pineqassasoq, ilinniarnernit Kalaallit Nunaanni atorsinnaasutut
naatsorsuutigineqartut ilinniarnernillu ilinniarnimmit pisortanit akuerisaasunit
ingerlanneqartut imaluunniit pitsaassutsimik pisortat ilinniarniut atuuttunut
piumasaqaatit malillugit ilinniartitsissutit imarisaasigut, aqutsinikkut,
ilinniartitsisoqarnikkut ineqarnikkullu naammagineqartumik pitsaassuseqartut.

Tassunga peqatigitillugu inatsimmi ersippoq Naalakkersuisut akuersinerat
ilinniartitaanermi politikki, suliffissat aningaasaqarnerlu pillugit piumasaqaatit
aallaavigalugit pissasoq aammalu ilinniarnernit pitsaassusaannik nallersuineranut

03-04-2014
Sags nr. 2014-098248
Dok. nr. 1538783

Postboks 1029
3900 Nuuk
Tlf: +299 34 50 00
Fax +299 32 20 73
Email: iiknn@nanoq.gl
www.nanoq.gl

tunngatillugu ingerlatsivimmit pisortanit akuerisaasumit ilinniarnep pitsaassusaanik nalilersuineq pissarsiarineqassasoq. Aammattaaq inatsimmi aalajangersarneqarpoq ilinniagaqartut ilinniarnepni taakku assigisaanni ilinniarnepsiuteqarfioreersuni ilinnialersinnaaneq immikkut isiginiarneqassasoq. Taakku tamaasa pillugit Inatsisartut inatsisaanni § 8 innersuussutigineqarpoq.

Akuersisarneq pillugu apeqqut taamaalilluni ilinniarnep pitsaassusaanik nalilersuinermit annertunertigut tunngassuteqarpoq, tassunga ilanngullugu tapiiffigineqarsinnaanermut tunngatillugu aningaasartuutitut ilinniarnepullu Kalaallit Nunaanni suliffinni atorineqarsinnaanep sanilliullugu ilinniagaqartut ilinniarnepmik pissarsiaqarsinnaanep.

Aammattaaq ilassutigineqarsinnaavoq piumasaqaatit taaneqartut aallaavigalugit Danmarkimi ilinniarnepni ataasiakkaanik e-learningit neqeroortigineqartunik akuersisoqartarnikuusoq. Tamassuma saniatigut ilisimatitsissutigineqarsinnaavoq Danmarkimi ilinniarneppassuarnut e-learningit neqeroortigineqartunut ikittuunngitsunik angalasoqartariaqartartoq, tassa ilinniartut qaammammut ataasiarlutik katersuukkajuttarmata. Tamanna soorunami ungasissutsini unammilligassat kingunerisaanik ilinniagaqartunut Kalaallit Nunaanneersunut tunngatillugu immikkut unammilligassaqarfivoq.

Tassunga peqatigitillugu oqaatigineqassaaq ilinniartitsinermi Naalakkersuisut takorluugaat pingaarnep, tassunga ilanngullugu ilinniagaqarnepsiuteqartarneq pillugu apeqqummut tunngatillugu, Naalakkersuisut Ilinniartitsinermut Perusissiaanni ilinniartitsinermut pilersaarummik malitseqartinneqartussaasumi takuneqarsinnaassasut, tassani ilaatigut ilinniagaqarnepsiutinik aqqissuusseqqinneq ilaassalluni, tassanilu aamma e-learninginut ilinniagaqarnepsiuteqarsinnaatitaaneq pillugu apeqqut aamma ilanngunneqassalluni, tassunga ilanngullugu ilinniarnepni taamaattunut tapersiissutit annertunerisumik ammaassiffigineqassanep.

Inussiarnepsumik inuulluaqqusillunga



Nick Nielsen